

sime pubescens, segmento maris genitali superne utrinque macula rotundata laterali nigro-fusca. Coxae viridi-albae, praesertim posteriores magis minusve ochracei. Pedes albidus, femoribus anticis tantum versus marginem inferiorem, posterioribus subtus ubique supraque apice et ad margines punctis nigro-fuscis conspersis; tibiis nigro-spinulosis, summo apice fuscescentibus, spinulis maris e punctis nigrofuscis nascentibus; tarsorum articulo ultimo apice ungviculisque nigro-fuscis.

Divisio VII. **CAMPTOTYLARIA** REUT.

Cyllocoraria pars et *Oncotylaria* pars REUT. olim. *Exaeretaria* REUT. olim.

Diagn.: Corpus parvum, virescens, cuneo ad angulum internum puncto distinctissimo rotundato nigerrimo notato; capite verticali, brevi, vertice sulco destituto, immarginato, fronte convexa, genis altis saltem oculis altitudine aequalibus; oculis brevibus, interne haud emarginatis; rostri articulo primo a gula haud remoto, articulis duobus ultimis brevibus, versus articulationem fortiter dilatatis; hemielytris cuneo instructis, corii venis haud distingvendis, membrana biareolata; alis areola hamo instructa vel destituta; coxis posticis ab epileuris hemielytrorum modice distantibus; ungviculis sat longis, simplicibus, sensim leviter curvatis, aroliis nullis vel omnium tenuissimis, piliformibus.

Gen. **CAMPTOTYLUS** FIEB., REUT.

Camptotylus et *Exaeretus* FIEB. *Megalobasis* REUT.

Tab. I, f. 2.

Diagn.: Capite margine verticis late rotundato, fronte convexa, clypeo basi a fronte discreto, magis minusve, interdum valde prominente, magis minusve retrorsum vergente, a latere viso aequalato marginibusque rectis et parallelis, angulo faciali recto vel sub-obtuso, gula omnium brevissima, oculis brevibus; rostro articulis brevibus, articulo primo dilatato, medium xyphi sub-attingente, secundo duobus ultimis simul sumtis longitudine sub-aequali vel aequali, his inter se longitudine sub-aequalibus; antennis ante oculorum apicem insertis; pronoto apice latissime et leviter sinuato, marginato; xypho brevi, convexo vel subplano, basi late marginato; femoribus posticis plerumque fortiter incrassatis, tibiis nigro-punctatis, tarsis posticis articulo tertio duobus primis conjunctim vix vel paullulum brevior.

Habitant species hujus generis in parte meridionali territorii.

Descr.: Corpus ovale vel oblongum. Caput verticale, antice visum fere triangulare, a latere visum altitudine multo brevius, margine basali verticis late rotundato, fronte